

邇

言

序

家隱侯誤俗說三卷載附書經籍志于雜家類書時劉  
翬亦有釋俗語八卷書皆不傳傳於今者唯宋葉頤正  
之釋常談明楊慎之俗言數家而近人翟晴江學博通  
俗編錢辛楣少詹恒言錄爲尤著可廬徵君固少詹之  
難弟也嘗著通言一編與少詹書相出入昔人言杜詩  
韓筆無一字無來厯豈知街談巷語亦字字有所本世  
之人習焉不察好學深思者觸類皆通女夫韓君小亭  
將刊行是書徵君孫直卿文學請余弁首余曩時曾誤

續恒言錄其徵引頗有出於諸家之外者蓋亦識小之  
一端揮麈之一助也道光庚戌中秋年家子沈濤謹序

目錄

乃諺爲無逸之所戒然齊人有言孟子以證乘勢南人  
有言孔子以證無恒夏諺周諺引於經傳齊都語引於  
呂覽鄒魯諺引於漢書則淺近之言亦聖賢所不廢乎  
夫今古一耳古人所言今人謂之古語在古人自視未  
嘗不以爲今語也筆之於書遂爲故實若然則今人所  
爲俗語安知不爲幾千百年後之故實乎舊有無名氏  
釋常談又有宋龔頤正積釋常談皆寥寥二三百事無  
甚可觀因於涉獵之暇類次俗語俗事之見於經史子

集者爲邇言六卷於以見一話一言亦不可無所根據  
焉至於爬羅剔抉務使里巷中隻語片辭俱合於古則  
請俟諸異日壬寅中秋晦之甫錢大昭記

週言卷一

嘉定錢大昭

斟酌

國語周語云而後王斟酌焉荀子富國篇云節其流開  
其源而時斟酌焉漢書律歷志云斟酌建指以齊七政  
揚雄傳云皆斟酌其本相與放依而馳騁云叙傳云斟  
酌六經放易象論白虎通云言周公輔成王能斟酌文  
武之道而成之也後漢書章帝贊曰左右藝文斟酌律  
禮張奮傳云猶周公斟酌文武之道班彪傳云因斟酌

前史而譏正得失班固兩都賦云騰酒車而斟酌又典  
引云屢訪羣儒論咨故老與之乎斟酌道德之淵源肴  
覈仁義之林藪仲長統昌言云非能斟酌賢愚之分以  
開盛衰之數也蔡邕傳云斟酌羣言耀其是而矯其非  
魏志袁渙傳云常談曰世治則禮詳世亂則禮簡全在  
斟酌之閒耳宋書恩倖傳論都正俗士斟酌時宜

筆研

漢書薛宣傳云下至財用筆研皆爲設方畧利用而省  
費後漢書班超傳投筆歎曰大丈夫無它志略猶當效

傅介子張騫立功異域以取封侯安能久事筆研間乎  
雲泥

後漢書矯慎傳云去雖乘雲行泥棲宿不同

才具

晉書高崱傳云是時謝萬爲豫州都督崱謂曰卿今疆  
理西藩何以爲政萬祖陳其意崱便爲敘刑政之要數  
百言萬呼崱小字曰阿鄒故有才具耶

榮華

魏志陳思王植傳云朱紱光大使我榮華文選賁躬詩



作光光大使我榮我華李善注引文子曰有榮華者必有愁悴

儒雅

晉書陳頴傳云解結曰張彥真以爲汝頴巧辯不及青徐儒雅也

光鮮

曹子建詩名都籍籍云寶劍直千金被服光且鮮

長進

晉書和嶠傳云嶠後與荀顗荀勗同侍帝曰太子近入

朝差長進卿可俱謂之粗及世事世說云王長史與支公語支曰君言義了不長進

### 威風

後漢書章帝紀云明糾非法宜振威風魄尋云安定大尹王向威風獨能行其邦內屬縣皆無叛者左雄傳云謂殺害不辜爲威風聚歛整辦爲賢能

### 情趣

後漢書劉陶傳云好尚或殊富貴不求合情趣苟同貧賤不易意

快活

五代史劉昫傳云是時三司諸吏提印聚立月華門外  
聞宣麻罷昫相皆歡呼相賀曰自此我曹快活矣

勤緊

宋書黃回傳云會中書舍人戴明寶被繫差回爲戶伯  
性便辟勤緊奉事明寶竭盡心力

勤謹

漢書食貨志云治田勤謹則晦益三升

妥帖

陸機文賦云或妥帖而易施或岨嶭而不安

### 安穩

大正縣詩乃慰乃止箋民心定乃安隱其居莊子應帝王篇其臥徐徐司馬彪注徐徐安隱見說文無穩字徐鉉新附有之云安也古通用安隱

### 太平

荀悅漢紀云九年耕餘三年之食進業日升謂之升平三升曰泰二十七年餘九年食謂之太平

### 富足

後漢書王符傳云禮義生於富足盜賊起於貧窮

寶貝

文選海賦云積太頰之寶貝與隋侯之明珠

聰察

漢書宣元六王傳贊云淮陽憲王於時諸侯為聰察矣

部署

司馬相如大人賦云悉徵靈囿而選之兮部署眾紳於

搖光

比較

齊語云管仲曰昔我先君合羣交比較民之有道者韋  
昭注云校考合也

### 繆巧

漢書韓安國傳云意者有他繆巧可以禽之則臣不知  
也

### 醞藉

聘禮云凡執玉無藉者襲鄭注藉謂纒也纒所以醞藉  
也漢書薛廣德傳爲人溫雅有醞藉又匡張孔馬傳贊  
云其醞藉可也顏師古曰謂如醞釀及薦藉道其寬博

重厚也

鄭重

漢書王莽傳云然非皇天所以鄭重降符命之意顏師古曰鄭重頻頻也

料理

晉書王徽之傳云桓沖嘗謂徽之曰卿在府日久比當相料理

擔負

商頌元鳥云百祿是何鄭箋謂當擔負天之多福

北方

韋注齊語云比比方也

擡舉

羅隱春風詩云但是秕糠微細物等閒擡舉到青雲

衾影

宋徐子端杜門讀書作後泉散人傳引蔡季通獨行不  
愧影獨寢不愧衾之語以自擬

刻苦

唐書盧杞傳云許安曰我父兄刻苦以持門戶終爲縑



耶壞之

闕圓

後漢書張衡思元賦云志闕圓以應懸兮誠心固其如  
結

明白

漢書東方朔傳客難云好學樂道之效明白甚矣楊惲  
傳廷尉定國考問左驗明白

堪輿

漢書藝文志有堪輿金匱十四卷顏師古曰許慎云堪

天道與地道也

生活

孟子云民非水火不生活詩于嗟閔兮不我活兮毛傳云不與我生活也劉向說苑建本篇云譬猶食于金甌須以生活而非陶冶者也漢書郊祀志云稷者百穀之主所以奉宗廟其糝盛人所食以生活也南史梁武帝謂臨川王曰阿六汝生活大可北魏書祖瑩傳云瑩常語人曰文章須自出機杼成一家風骨何能共人同生活也蓋譏世人好偷竊他文以爲己用

綽約

莊子綽約若處子說文作綽約廣雅作焯約字異音義  
同漢書司馬相如子虛賦便嬛綽約楊雄反離騷云閨  
中容競焯約兮相態以麗佳顏師古曰焯約善容止也  
焯音焯

薦舉

焦氏易林云明允篤誠升擢薦舉

風俗

漢書地理志云凡民稟五常之性而有剛柔緩急聲音

不同繫水土之風氣故謂之風好惡取舍動靜無常隨君上之情欲故謂之俗

輦辛

士相見禮云夜侍坐問夜膳輦請退可也鄭注詹輦謂食之輦辛物蔥薤之屬

射覆

漢書東方朔傳云上嘗使諸數家射覆顏師古曰於覆器之下而置諸物令闇射之故云射覆

攻繳

小雅云王事靡盬鄭箋盬不攻緻也

鵲崙

朱子語類云若只是握得一箇鵲崙底果子不知裏面是酸是鹹是苦是澀須是與他嚼破便見滋味

利市

說卦傳爲近利市三倍易林云入門笑喜與我利市

壽算

易林云賜我祉福壽算無極

風流

范蔚宗方術傳論云其風流可知矣隋書樂志云古之君子悲周道之衰頌聲之輟飾鼓以驚存其風流

性命

後周書張元傳云少時村陌有狗子爲人所棄者元見卽收而養之其叔父怒曰何用此爲將欲更棄之元對曰有生之類莫不重其性命若天生天殺自然之理今爲人所棄而死非其道也若見而不收養無仁心也是以收而養之叔父感其言遂許焉未幾乃有狗母銜一死兔置前而去

奉承

宋范質戒子孫詩有云舉世好奉承昂昂增意氣不知奉承者以爾爲兒戲

分付

漢書原涉傳云涉迺側席而坐削牘爲疏具記衣被棺木下至飯含之物分付諸客諸客奔走市買至日昃皆會

習慣

左傳習射御貫則能獲禽買詛新書習慣如自然

枝筭

魯靈光殿賦云枝筭杈枒而斜據筭俗作撐非是

元由

宋書王景文傳云臣遣李武之問謝儼元由答云使人  
謬誤

含胡

唐書安祿山斷顏杲卿舌曰復能罵否杲卿含胡而死

機關

易林云甘露醴泉太平機關



支持

魯靈光殿賦云豈非神明依憑支持以保漢室者也

停當

呂覽上德篇云不察嚴罰厚賞不足以致此高誘曰厚賞一作停當

雙鑠

後漢書馬援傳云援據鞍顧盼以示可用帝笑曰雙鑠哉是翁也注云雙鑠身貌

黃昏

淮南子云日至于虞淵是謂黃昏

要害

漢書西南夷傳大司農豫調穀積要害處顏師古曰要害者在我爲要在彼爲害也

紬繹

漢書谷永傳云燕見紬繹以求咎愆顏師古曰紬讀曰抽紬繹者引其端緒也

計較

吳志孫堅傳云夜馳見袁紹畫地計較

肴饌

曹子建七啟可以娛神可以娛腸此肴饌之妙也

迴避

漢書蓋寬饒傳云擢爲司隸校尉刺舉無所迴避小大  
輒舉又趙廣漢傳云好用世吏子孫新進年少者見事  
風生無所迴避

溫難難讀若吞

許氏說文云難安溫難也又懷字注云讀若水溫難也  
乃昆切難或作噉王建宮詞云新晴艸色暖溫噉白居易

易詩云池水暖溫噉陶宗儀輟畊錄云南人方言曰溫噉者懷溫也

經紀

俗謂人營生者曰經紀唐書太宗勅滕王蔣王曰滕王蔣兄自能經紀不須賜物

脩妮

俗謂葺理整齊爲脩妮唐中和二年脩妮部伍妮音捉模樣

杜荀鶴詩云子細尋思底模樣

滑汰

李翁天井道碑云冬雪則凍淪夏雨滑汰溼透日汰即

澆字

文書

後漢光武紀文書調役務從簡寡潛夫論云但坐詞文

書以欺朝廷

響亮

文選吳都賦云鳴條律暢飛音響亮

規摹

漢書高帝紀云雖日不暇給規摹宏遠矣

調攝

焦氏易林云調攝違和陰陽顛倒

賣買

周禮小宰聽賣買以質劑說文市買賣所之也

子細

北史源思禮傳爲政當舉大綱何必太子細也杜甫詩  
野橋分子細又云醉把茱萸子細看杜荀鶴詩子細尋  
思底模樣又歐陽修詩秋花不比春花落回報詩人子

細看

交代

漢書蓋寬饒傳云及歲盡交代後漢書傅燮傳云初郡將范津明知人舉燮孝廉及津爲漢陽與燮交代合符而去鄉邦榮之白虎通云所以必於泰山何萬物交代之處也風俗通云萬物之始陰陽交代

完全

荀子議兵篇云韓之上池方數千里完全富具楊倞注云完全言城邑也

功勞

晉書太始五年詔曰其條勤能有稱尤異者歲以爲常  
吾將議其功勞

吹噓

楊雄方言云吹扇助也郭璞注云吹噓扇拂相佐助也  
將養

詩小雅不遑將父毛公傳云將養也張氏廣雅云將養  
也

等輩



後漢書第五倫傳云倫每讀詔書常歎息曰此聖主也  
等輩笑之曰爾說將尙不下安能動萬乘乎禰衡傳云  
若衡等輩不可多得

尺牘

文選謝宣遠詩云誰謂情可書盡言非尺牘李善注引  
杜篤弔比干文云敬申弔於比干寄長懷於尺牘

瓜葛

世說新語云王導嘗與其子悅園棊爭道導笑曰相與  
有瓜葛亦得爾耶

消息

魏志齊王芳本紀云毋邱儉上言昔諸葛恪圍合肥新城城中遣士劉整出圍傳消息爲賊所得又云又遣鄭像出城傳消息

倣儻

漢書郊祀志云志倣儻精權奇司馬相如傳云倣黨窮變又選枚乘七發云忽兮恍兮倣兮黨兮廣雅云倣黨卓異也倣儻說文新附字古作倣黨

畱連

焦贛易林復之離云行旅遲遲留連齊魯後漢書劉陶傳云留連至今莫有求問北齊書王瑜傳詩曰日落應歸去魚鳥見留連

狂瞽

後漢書戴憑傳云臣無饗諤之節而有狂瞽之言樂巴傳云苟肆狂瞽益不可長

功夫

魏志齊王芳紀云七年詔曰吾乃當以十九日親祠而昨出已見治道得雨當復更治徒棄功夫王肅傳云太

極以前功夫尙大也

雷同

曲禮云無勦說無雷同漢書馬宮傳云希指雷同詭經  
辟說劉歆移太常博士書云雷同相從隨聲是非後漢  
書桓譚傳云略雷同之俗語詳通人之雅謀馮衍顯志  
賦紛綸流於權利兮親雷同而妒異王符潛夫論云不  
隨俗而雷同不逐聲而寄論

雪白

廣韻卅二霰引東晉魏賦云重羅之麩塵飛雪白

滋味

月令云薄滋味王褒聖主得賢臣頌云羹藜啜菽者不足與論太牢之滋味

謙虛

後漢馬皇后紀帝曰太后誠存謙虛奈何令臣獨不加恩三身乎寶章傳云章謙虛下士胡廣傳云體真履規謙虛溫雅

牽帥

左傳知武子曰牽帥老夫以至于此

竭蹶

荀子議兵篇近者誦謳而樂之遠者竭蹶而趨之

搔擾

王符潜夫論云邊陲搔擾

把持

白虎通云霸迫也把也迫脅諸侯把持其政

渣滓

鹽鐵論云文學守死渣滓之語而終不移

拳勇

毛詩無拳無勇吳都賦云覽將帥之拳勇李善曰拳與  
權同

調戲

左傳宋華弱與樂轡少相狎長相優杜預曰優調戲也  
馮衍與婦弟任武達書云房中調戲布散海外文選游  
天台山賦注引大智度論曰五蓋貪欲嗔恚睡眠調戲  
疑悔

軟弱

潛夫論云將軍皆性劣軟弱劉琨答盧湛詩曰咨余軟

弱弗克負荷

沙汰

吳志朱據傳云是時選曹尚書暨監疾貪汙在位欲沙汰之

煩碎

漢書京房傳云皆言房言煩碎令上下日司不可許黃霸傳云初若煩碎然霸精力能推行之薛宣傳云殆吏多苛政政教煩碎又云官屬譏其煩碎無大體不稱賢也何武傳云多所舉奏號爲煩碎不稱賢公王莽傳云



太后詔曰今衆事煩碎朕春秋高精氣不堪魏畧苛吏  
傳云王思爲人雖煩碎而曉練文書敬賢禮士傾意形  
執亦以是顯名

沈吟

後漢書隗囂傳云牛邯得王遵書沈吟十餘日乃歸命  
洛陽賈復傳云帝召諸將議兵事沈吟久之魏志董昭  
傳云臣恐陛下雖有勅渡之詔猶必沈吟未便從命也  
蜀志龐統傳云若沈吟不去將致大困不可久矣

硬搶

朱子語類論甫田詩云驕驕張王之意猶曰暢茂桀敖耳桀桀與驕驕之義同今山畝閒莠最硬搶

虛譁

漢書五行志云言上號令不順民心虛譁憤亂則不能治海內

虛華

後漢書朱穆傳云是以虛華盛而忠信微刻薄稠而純篤稀

屬託

潛夫論云今又却于貴人之風指脅以權執之屬託請  
謁闕門禮贊輻輳後漢書楊震傳云外交屬託擾亂天  
下

含糊

唐書陸贄傳云又如遇敵而守不固陳謀而功不成責  
將帥將帥曰資糧不足責有司有司曰須給無乏更相  
爲解而朝廷含糊未嘗究詰

掘強

漢書伍被謂淮南王安曰掘強江淮之間苟延歲月之

命後漢書論云然猶以假附宗室能拘強歲月之間杜  
子美詩拙強泥沙有時立

### 強梁

道德經強梁者不得其死墨子魯問篇其子強梁不材  
莊子應帝王篇鴛疾強梁大宗師篇無莊之失其美據  
梁之失其力釋文引李頤云據梁強梁也釋名釋宮室  
云梁彊梁也

### 唐突

小雅漸漸之石箋云豕之性能水又唐突難禁制文選

通言卷一  
晉靈光殿賦云盜賊奔突張載注突唐突也魚豢典略  
云路粹承指數孔融罪言融爲九列不遵朝儀禿巾微  
行唐突宮掖

荒唐

潛夫論云俗之荒唐世法滋彰

惕息

焦氏易林云懼畏惕息終免禍患漢書司馬遷傳云視  
徒隸則心惕息

約莫

張炎樂府指迷云若八字既工下句便合少寬庶不窒  
塞約莫太寬易又着一句工緻者便精粹

### 連蹇

易曰往蹇來連王氏曰往來皆難也馬氏曰難也揚雄  
解嘲云孟軻雖連蹇猶爲萬乘師反離騷云騁驍驪以  
曲鞞兮馳騾連蹇而齊足焦氏易林云道陟多阪胡爲  
連蹇

### 留難

桓寬鹽鐵論云閒者郡國或令民作布絮吏留難與之

通言卷一  
三  
爲市焦氏易林云行道留難不可以涉

作撻

宋吳龍翰春懷詩云好景相看作撻盡閉門不覺了清

明龍翰字式賢新安人  
有古梅遺稿六卷

註誤

焦氏易林云暗昧冥語相傳註誤潛夫論云不信則懼  
失賢信之則註誤人此俗士可厭之甚者也

落魄

史記云酈食其好讀書家貧落魄應劭日落魄志行衰

惡之貌顏師古曰失業無次也

折閱

荀子脩身篇云良賈不爲折閱不市場倛曰折損也閱  
賣也言損所閱賣之物價也漢書食貨志云用其本賈  
取之無令折錢

鈔暴

後漢書建武九年匈奴轉盛鈔暴日增

彭亨

大雅騶毛傳魚然猶彭亨也鄭箋魚然自於氣健之見



廣韻膨腴脹也又膨停自強皆毛鄭義也今俗呼腹脹  
爲彭亨韓昌黎石鼎聯句豕腹脹彭亨

薄相

蘇東坡詩此豈水薄相與我相娛嬉

首級

魏志國淵傳云破賊文書舊以一爲十及淵上首級如  
其實數太祖問其故淵曰夫征討外寇多其斬獲之數  
者欲以大武功且示民聽也河間在封域之內銀等叛  
逆雖克捷有功淵竊恥之太祖大悅

逋負

後漢書段熲傳云洗雪百年之逋負以慰忠將之亡魂  
覺察

舊五代史食貨志云唐同光二年詔曰宜禁斷沿江州  
縣每有舟船到嚴加覺察

忌諱

焦氏易林云國多忌諱大人恒畏結口無患可以長存  
漢書東方朔傳云恐不知忌諱當死

發迹

舊五代史周太祖紀臣發迹寒賤遭遇聖明既富且貴  
實過平生之望

脫空

五代史少主崩命馮道迎相公將立公至相州周祖已  
爲三軍推戴郭忠恕責道曰今公一旦反作脫空漢子  
撓歆

朱子語類云只是堅立著志順義理做去他無撓歆也  
卑末

後漢書樂巴傳云雖幹吏卑末皆課令習讀

抽替

俗呼器皿之抽頭爲抽替案南史殷妃死孝武思見之遂爲抽替棺欲見則引替觀屍

猶豫

易曰由豫大有得馬融本作猶豫云疑也

刻畫

晉書周顛傳庾亮嘗謂周顛曰諸人咸以君方樂廣顛曰何乃刻畫無監唐突西施也

數奇

漢書李廣傳云大將軍陰受上指以爲李廣數奇毋令  
當單于恐不得所欲如淳曰數爲匈奴所敗爲奇不耦  
服虔曰作事數不耦也顏師古曰數音所角反奇音居  
宜反王維詩衛青不敗由天幸李廣無功因數奇始以  
數爲命數之數

薺芥

漢書賈誼傳云細故薺芥何足以疑顏師古曰薺芥小  
薺也

處分

晉書謝安曰朝廷處分已定矣

蒼黃

杜少陵新婚別詩誓欲隨君去形勢反蒼黃

孤負

李陵答蘇武書陵雖孤恩漢亦負德又曰孤負陵心

勢利

漢書張耳陳餘傳贊云勢利之交古人羞之

縮胸

漢書五行志劉歆曰王侯縮胸不任事說文朔而月見

東方謂之縮朒亦取不申達之象今本說文作朒誤

擻掇

朱子語類云四面八方擻掇他去這路上行

天邪

唐詩錢唐蘇小小人道最天邪俗作歪邪非

卒暴

漢書陳湯傳與卒暴之師注云卒讀曰猝

數說

俗謂責人曰數說左傳乃執子商而數之又如漢高祖

之數項羽范雎之數須賈所謂數其罪而責之也

委頓

左傳云夫婦辛苦墊隘杜預曰墊隘猶委頓

誼譁

呂覽樂成篇云誠能決善衆雖誼譁而弗爲變

房屋

謂御女也

南史武帝手勅賁賀琛曰朕絕房屋三十餘年

流落

漢書霍去病傳云諸宿將皆流落不偶師古曰流謂羸



流落謂隨落明皇雜錄云李白杜甫孟浩然雖有文名俱流落不偶

主張

莊子曰孰主張是

冤屈

屈原九歌云撫情效志兮冤屈而自抑

慚愧

國語齊語云是故大國慚愧小國附協

睡頓

北魏書甄琛傳云琛舉秀才人都積歲頗以奕碁棄日  
至乃邇夜不止手下蒼頭常令秉燭或時睡頓大加其  
杖如此非一奴後不勝楚痛乃白琛曰郎君辭父母仕  
宦京師若爲讀書執燭奴不敢辭罪乃因圍碁日夜不  
息豈是向京之意而賜加杖罰不亦非理琛惕然慙感  
遂從許叡李彪假書研習聞見益優今北人以假寐爲  
打頓蓋本於此

嘴鼻

金史宋破金泗州守將畢資倫不肯降及盱眙守將納

通言卷一  
三  
合買住降北望哭拜謂之辭故主資倫罵住曰國家未  
嘗負汝何所求死不可乃作如此嘴鼻也案如此嘴鼻  
今謂之如此嘴臉

邇言卷二

嘉定錢大昭

持重

漢書韋元成傳云守正持重不及父賢而文采過之

望入

朱晦翁詩默數流年欣望入閒尋隱訣話存三

六壬

五代史賀瓌傳以六壬占之得斬關以爲吉徐無黨曰

斬關卦名

六合

術家有六合之說子與丑合寅與亥合卯與戌合辰與酉合巳與申合午與未合是也南齊書禮志云宋元嘉大明以來祀先農並用立春後亥日太學博士劉蔓云禮孟春之月立春迎春又于是月以元日祈穀又擇元辰躬耕帝籍廬植說禮通辰日日甲至癸也辰子至亥也郊天陽也故以日籍田陰也故以辰陰禮畢後必居其末亥者辰之末故記曰元辰法曰吉亥又據五行之說木生於亥以亥日祭先農又其義也太常丞何謹之

云鄭注云元辰蓋郊後吉亥也亥水辰也凡在墾稼咸存灑潤五行說十二辰爲六合寅與亥合建寅月東耕取月建與日辰合也

### 腳錢

朝野僉載記李宙母事有御史祿米不出腳錢之說新唐書列女傳記畚母事改腳錢曰車庸宋周遵道豹隱紀談云吳門風俗多重至節謂曰肥冬瘦年互送節物寓官顏侍郎度詩曰至節家家講物儀迎來送去費心機腳錢盡處稱閒事原物多時却載歸

肚裏

孟東野詩面結口頭交肚裏生荆棘萬圍雜記云大理少卿吳興楊先生復在南京時頗家貧畜三豕日命童子于後湖採蘋藻飼之有法司官家人與童子爭且毆之法司官以先生不能避嫌先生戲作一絕句云太平門外後湖邊不是君家祖上田一點浮萍容不得如何肚裏好撐船

王法

後漢書虞延傳云汝犯王法身自取之

賤事

司馬遷傳報任安書云又迫賤事相見日淺

前定

禮記中庸言前定事前定行前定

避瘡

杜子美詩云三年猶瘡疾一鬼不銷亡隔日搜脂髓增  
寒抱雪霜徒然潛隙地有覩屢鮮粧唐書高力士流巫  
州李輔國授謫制時力士方避瘡功臣閣下

兩便



通言卷二  
漢書溝洫志云空居與行役同當衣食衣食縣官而爲  
之作迺兩便

若干

周禮天官注云若言某月某日詔書出某物若干給某  
官某事曲禮云問天子之年曰聞之始服衣若干尺矣  
投壺云某賢若干某若干純儀禮鄉射大射數射算曰若  
干純特牲饋食禮云俎釋三个鄭注个猶枚也今俗言  
物數有若干個者此讀然漢書食貨志云輕錢百加若

干

十全

周禮醫師職云歲終則稽其醫事以制其食十全爲上  
十失一次之十失二次之十失三次之十失四爲下

代步

禮含文嘉云禮有九錫一曰車馬宋均注云進退有節  
行步有度賜之車馬以代其步

銅錢

漢書食貨志銅錢質如周錢文曰半兩重如其文

行窳

白華詩云印烘于熨毛傳熨竈也說文熨行竈也爾雅釋言云熨竈也郭璞曰今之三隅竈也

兩造

呂刑云兩造具備周禮大司寇以兩造禁民訟鄭注造至也使訟者兩至

重聽

漢書黃霸傳云許丞老病聾督郵白欲逐之霸曰許丞廉吏雖老尙能拜起送迎正頗重聽何傷

倒屣

魏志王粲傳云蔡邕才學顯著貴重朝廷常車騎填巷  
賓客盈坐聞王粲在門倒屣迎之粲至年既幼弱容貌  
短小一坐盡驚邕曰此王公孫也有異才吾不如也

### 令甲

漢書宣帝紀令甲死者不可生刑者不可息如淳曰令  
有先後故有令甲令乙令丙師古曰甲乙者若令之第  
一第二篇耳

### 酒令

荀悅漢紀云高后令章爲酒吏章自請曰臣將種也請

得以軍法行酒令後漢書賈逵傳云逵又作詩頌誅書

連珠酒令凡九篇

別字

漢書藝文志小學有別字十三篇此即揚雄之別國方言也後漢書尹敏傳云識書非聖人所作其中多近鄙

別字

先馬

荀子正論篇云諸侯持輪挾輿先馬楊倞曰先馬導馬也

改名

南齊張敬兒傳云敬兒本名苟兒宋明帝以其名鄙改焉近有四川人敬華南乾隆辛未進士榜姓苟自以姓鄙改爲敬官檢討後爲常熟縣知縣案鄰幾雜誌云敬字避廟諱改姓者爲苟且之苟文章之文姓苟者之改敬復其舊耳

疆盜

後漢書陳忠傳云夫穿窬不禁則致疆盜疆盜不斷則爲攻盜攻盜成羣必生大姦

神福

元方回詩云磯頭浪急上灘難舟子索錢賽神福

閒話

盧延讓詩莫將閒話當閒話往往事從閒話生

辛苦

羅隱詩云採得百花成蜜後不知辛苦為誰甜

隆冬

漢武帝紀詔曰今水潦移于江南迫隆冬至

脚汗

方回詩云脚汗眠慵洗頭風坐畏梳

中醫

漢書藝文志云有病不治恒得中醫

紙貴

北齊書邢劭傳云自孝明之後文雅大盛劭雕蟲之美  
獨步當時每一文初出京師爲之紙貴讀誦俄遍遠近  
無聊

易林云耕石山顛費種家貧無聊虛作苗髮不生

獨步



後漢戴良傳云獨步天下誰與爲偶

百拜

續古今攷云秦時臣上人主書曰再拜漢書高祖紀云  
昧死再拜近世乃動曰百拜可憐哉又曰今日飭帖曰  
頓首百拜非也古無百拜之禮賓主百拜酒三行非一  
時也日知錄謂洪武三年詔禁人稱百拜讀方氏嘗乃  
知其誤不始于洪武

狗尿

五代史孫晟傳云晟輕馮延巳爲人常曰金槐玉盃而

盛狗尿可乎

性急

左傳皆笑曰公孫之亟也杜預曰亟急也言其性急不能受屈

金口

晉書夏侯湛抵疑云今乃金口玉音漠然沈默

月建

周禮馮相氏注云樂說歲星與日常相應太歲月建以見

夜作

諺云河射角堪夜作白虎通云景星常見可以夜作

技癢

顏氏家訓云應劭風俗通云太史公記云高漸離變名  
姓爲人庸保匿作于宋子久之作苦聞其家堂上有客  
擊筑技癢不能無出言按技癢者懷六技而腹癢也是  
以潘岳射雉賦亦云徒心煩而技癢今史記並作徘徊  
或作徬徨不能無出言是爲薄俗傳寫誤也

小便

左傳師慧過宋朝將私焉杜預曰私小便

弓長

宋書王景文傳謠言曰一士不可親弓長射殺人一士  
王字也弓長張字也

炯戒

班固幽通賦云旣諄爾以吉象兮又申之以炯戒曹大  
家曰炯明也

筆跡

陸機謝平原內史表云事蹤筆跡皆可推校李善注引

蔡邕書曰惟是筆跡可以當面也

自在

魏志齊王紀注引魏書曰我作天子不得自在耶

蒼蠅

曹子建詩蒼蠅閒白黑讒巧令親疏

得趣

晉書孟嘉傳云桓溫問嘉酒有何好而卿嗜之嘉曰公未得酒中趣耳

予告

孟康注高祖本紀云古者各吏休假曰告漢律吏二千石有予告賜告予告者在官有功最法所當得也賜告者病滿三月當免天子優賜其告使得帶印綬將官屬歸家治病至成帝時郡國二千石賜告不得歸家至和帝時賜告皆絕

### 師表

班固賈戲云聲盈塞于天淵真吾徒之師表也後漢黃憲傳荀淑曰子吾之師表也

### 爆核

朱子語類云雷如今之爆杖蓋鬱積之極而迸出者也

泰謙

漢書張安世傳云上笑曰君言泰謙君而不可尙誰可者

忽地

王建詩云楊柳宮前忽地春

客氣

左氏定十年傳陽虎曰盡客氣也

百官

荀子正論篇云古者天子千官諸侯百官以是千官也  
令行於諸夏之國謂之王以是百官也令行于境內國  
雖不安不至於廢易遂亡謂之君

一槩

後漢書王符傳云一槩悉蒙赦釋

多謝

漢書趙廣漢傳云界上亭長戲曰至府爲我多謝問趙  
君

底裏



後漢竇融傳云自以底裏上露長無纖介

天報

漢書荆燕吳傳云蓋聞爲善者天報以福爲非者天報以殃後漢魯恭傳云愛人者必有天報

將門

魏志曹植傳諺曰相門有相將門有將

物故

荀子君道篇云則不得不有疾病物故之變焉後漢儒林傳注云案魏臺訪問物故之義高堂隆答曰聞之先

師物無也故事也言死者無復所能於事故也

納贖

潛岳西征賦云人百身以納贖

還俗

宋書徐湛之傳云時有沙門釋惠休善屬文辭綺麗世祖命使還俗本姓湯位至揚州從事史

從吉

晉書孟陋傳陋字少孤喪母毀瘠殆于滅性不飲酒食肉十有餘年親族送謂之曰少孤誰無父母誰有父母

聖人制禮令賢者俯就不肖企及若使滅性無嗣更爲不孝也陋感此言然後從吉

天君

荀子天論篇云心居中虛以治五官夫是之謂天君聖人清其天君

舉家

焦氏易林云喜如其願舉家蒙寵

監試

魏志司馬朗傳朗十二試經爲童子郎監試者以其身

體壯大疑朗匿年劫間朗日朗之內外累世長大朗雖  
羸弱無仰高之風損年以求早成非志所爲也監試者  
異之

### 覆試

後漢書黃瓊傳云左雄前議舉吏先試之于公府又覆  
之于端門後尙書張盛奏除此科瓊復上言覆試之作  
不宜改革舊五代史周王峻傳戶部侍郎趙上交權知  
貢舉上交嘗詣峻峻言及一童子上交不達其旨勝出  
之日童子不第峻銜之及貢院申中書門下取日過堂

峻在政事堂厲聲曰今歲選士不公當須覆試諸相曰  
但緣已行指揮行過臨事不欲改移况未勅下覆試非  
晚

關說

漢書梁孝王武傳云大臣及爰盎等有所關說于帝又  
佞幸傳云高祖時則有籍孺孝惠有閔孺俱以婉媚貴  
幸與上卧起公卿皆因關說師古曰關說者言出之而  
納說如行者之有關津

交關

光武本紀得吏人與郎交關誘毀者數千章光武不省會諸將軍燒之曰令反側子自安周章傳竇憲被誅公卿以下多以交關得罪太守幸免

倩人

魏志陳思王植傳云植年十歲餘善屬文太祖嘗視其文謂植曰汝倩人邪植跪曰言出爲論下筆成章願當面試奈何倩人

褻福

晉書郭璞傳寅畏者所以褻福忌傲者所以招患

馳名

孔叢子云貨擬王公馳名天下

見教

上林賦云乃今日見教謹受命矣

一个

秦誓若有一个臣左傳云二惠競爽猶可又弱一个焉

自便

後漢書賈融傳云帝知融欲有讓遂使左右傳出他日會見迎詔融曰日者知公欲讓職還仕故命公暑熱且

自便

飛風

唐制馬入尙乘局者依左右閑印以三花其餘雜馬以風字印右膊以飛字印左膊今俗呼疾速爲飛風蓋取義於馬耳

少頃

荀子致仕篇云君子也者道法之總要也不可以少頃曠也

指日



曹子建應詔詩云弭節長鶩指日遘征

### 中式

鹽鐵論云于是廢天下諸錢而專命水衡二官作更近  
侵利或不中式故有薄厚輕重

### 格言

潘岳閒居賦云奉周任之格言敢陳力而就列李善引  
論語比考議曰賜問曰格言成法亦可以次序也

### 屠城

荀子議兵篇不屠城不僭軍不畱衆注云屠謂毀其城

殺其民若屠者然也

地獄

魏志蔣濟傳濟曰賊據西岸列船上流而兵入洲中是爲自內地獄危亡之道也

五內

李陵詩行行且自割無令五內傷魏文帝與鍾大理書云捧匣跪發五內震駭石崇王明君辭哀鬱傷五內泣淚濕珠纓

被盜

後漢隗囂傳云帝遣衛尉銚期持珍寶繪帛賜囂期至  
鄭被盜亡失財物

登時

任昉彈劉整云遇見采首在津陽門賣車欄籠牽苟奴  
登時欲提取

清晨

曹子建詩清晨登皇邑日久過首陽

歲朝

後漢周磐傳云歲朝會集諸生講論終日注云歲朝歲

且也

旁邊

戴叔倫詩云春風裏許杏花開杏樹旁邊醉客來

爾來

蜀志諸葛亮傳疏云受任於敗軍之際奉命於危難之間爾來二十有一年矣

潤筆

隋書鄭譯傳云上令內史令李德林立作詔書高頌戲謂譯曰筆乾譯答曰出爲方岳杖策言歸不得一錢何

以潤筆上大笑

寒毛

晉書夏統傳云聞君之談不覺寒毛盡戴猶俗言嚇得寒毛子豎也

活計

白樂天詩云休厭家貧活計微

唱喏

俗謂作揖曰唱喏喏音惹玉篇喏敬言謂作揖以道敬意也春渚紀聞云才仲攜一麗人登舟卽前聲喏崔緯

傳使者唱喏

專門

北齊書儒林傳云雖曰專門亦皆粗習也

風花

晁無咎詩云明日揚帆應改駛蒸雲散亂作風花

門神

漢書廣川惠王傳云其殿門有成慶畫短衣大袴長劍  
晉灼曰成慶荆軻也衛人謂之慶卿燕人謂之荆卿師  
古曰成慶古之勇士也事見淮南子非荆卿予謂今之

所謂門神蓋盜觴于此

財主

後漢書陳寔傳云盜殺財主何如骨肉相殘

風聞

漢書南粵傳云又風聞老夫父母墳墓已削壞師古曰

風聞聞風聲

生書

杜荀鶴詩云出爲鴉孤營糲食歸同弟姪讀生書

中飯

權德輿詩山僧相勸期中飯

麩炭

老學庵筆記云浮炭曰麩炭

抵罪

漢書高帝紀云殺人者死傷人及盜抵罪韋昭曰抵當也謂使各當其罪

下情

晉書陸納傳謂桓溫曰外有徵禮方守遠郡欲與公一醉以展下情



見錢

漢書王嘉傳是時外戚賞千萬者少耳故少府水衡見錢多也

見在

夏官彙人職云以待會而攻之亡者闕之鄭注闕猶除也弓弩矢箠棄亡者除之計今見在者釋文見賢遍反亂道

漢書張禹傳云新學小生亂道誤人宜無信用以經術斷之

跨窻

蘇軾與陳季常書云長子邁作文頗有父風二子作詩  
騷殊勝咄咄有跨窻之興

蚊子

雙槐歲鈔云鄭文寶江表志楊鸞詩云白日蒼蠅滿飯  
盤夜閒蚊子又成團每到更深人靜後定來頭上咬楊  
鸞鸞置和中進士

無常

五代時陳裕詩一朝若也無常至劍樹刀山不放伊

拍蚊

韓昌黎詩朝蠅不可驅莫蚊不可拍